

206-32
張振珮著

成吉思汗評傳

曾公壽題




民國三十三年九月發行
民國三十五年八月三版

成吉思汗評傳（全一冊）

◎ 定價國幣二元

（郵運匯費另加）



著者 張振珮

發行人 姚戟楮
中華書局有限公司代表

印刷者 中華書局永寧印刷廠
上海澳門路四六九號

發行處 各埠中華書局

（一三二五六）（滬印）

曹序

亭林有言：「諸史之中，元史最劣」，明清以降，治史事者，均深隨其言，摘繇糾繆，衆口喧騰，然攘臂奮筆。蔚爲巨製者，寂然無聞，以余所知，究心蒙古文獻而有裨元史者，在有清亦祇魏默深（源）張石州（穆）洪文卿（鈞）屠靜山（寧）及柯夢園（劭忞）諸氏，晚近則馮承鈞君間有譯述，而創獲殊少，蓋史有三長，才學識世罕兼之，劉知幾已深致感喟，若有元崛起朔漠，俗異文殊，載籍尤尠，脫無涉艱犯難之大勇，宜其憚於從事矣。余曩居北平，與夢園先生爲文字忘年交，偶亦抵掌談元代史事，先生每以所著新元史未能博考西書及蒙文圖籍，致太祖本紀未能詳敘龍興以前之史蹟爲憾，余敬志之，且以元太祖曠世之雄，不止武功彪炳，震鐸中外，其生平謀猷言行，在在均爲我民族精神所寄，何可任其湮沒不彰。今春張君振珮以成吉思汗評傳書稿徵序，余喜其適獲我心，受而讀之，詞無溢美，語皆紩實，書雖晚出，而見聞較周，有爲上述諸氏所未逮者，即如述汗之世系，歷舉元世先祖派衍之跡，上追達二十世，歸結於異支同源，不僅補舊史之缺，且亦足爲全民團結之助，敍汗之武功，則務從平實，而讀者感於聲威所暨。在此神聖對外抗戰中，更足發揚固有之國光，增進邦 諸友最後勝利之信念。至其論汗之功烈，則一以影響文化進步之程度爲衡，剖析其成功原因，則以足資後人借鑑爲歸，殆所謂奄有衆長者歟。張君從余遊逾十年，進無所求，退若有思，綜研乙部，務探本源，發爲文章，則多爲先哲傳記，曩嘗寫管夷吾張博望李義山岳武穆左忠毅

諸公評傳，次第刊行，其事雖在表彰先哲，其志則在實爲通史，此稿之作，則以趨公餘暇，犯寒暑成之，循此以進，其於吾國史學界之前途，必更有偉大之成就，書此以當左券。

民國三十二年五月綿竹曹經沅序

成吉思汗評傳目錄

曹 序

緒言

元代史書之錯誤與缺乏——元朝之歷史地位——重編元史之重要——寫作本文之願望和編例

上編

第一章 十二世紀末年之中亞

十一世紀末年之世界大勢——中亞各部落之地理分佈——遊牧在最饒瘠地區中之蒙古部族

第二章 成吉思汗之世系

舊史著錄之世系——蒙古起源考——勃端察兒以前之世系——成吉思汗世系表

第三章 成吉思汗之誕生及其成長

成吉思汗降生年代考——成吉思汗童年生活——成吉思汗早年三遇危難

成吉思汗評傳

一七

九

五

一

第四章 成吉思汗之統一蒙古……………二四

成吉思汗與王罕之結合——平服漠南北之役——合蘭真之敗與責王罕書——乃蠻南北部之征服——統一蒙古大業之完成

第五章 成吉思汗之南進……………三六

五征西夏——攻金之役——東遼東真之收服——助平高麗國境契丹之亂

第六章 成吉思汗之西征……………四九

成吉思汗西征之動機——畏吾兒哈刺魯之收服——屈出律之篡奪西遼——征西遼之役——征花剌子模之役——自北印度班師

第七章 成吉思汗之死及其編年簡譜……………六六

成吉思汗病歿之年月——病歿地點——安葬處所——成吉思汗編年簡譜

下編

第八章 成吉思汗之家庭……………八一

父——母——諸后妃——幹耳朵考——諸子——諸弟——成吉思汗親屬表

第九章 成吉思汗之將相……………九五

耶律楚材——木華黎——博爾朮——博爾忽——赤老溫——哲別——速不台——郭寶玉——邱處機

第十章 成吉思汗帝國之建制……………一〇三

兵制——怯薛考——庫利爾台——法令——牌符——驛券——封建——社會階級

第十一章 成吉思汗之功業……………一一四

擴大人類之世界觀——促進中西文化之交流——創造民族新文化

第十二章 成吉思汗成功原因之分析……………一二一

汗之性行與修養——待人接物之方法——政治與軍事措施——蒙旗之服從與勇敢——成吉思汗遺言補輯

結論……………一二三

爲取得和平而戰爭——欲禦敵必合衆心爲一

參考書目舉要……………一二三

成吉思汗評傳

緒言

元代史書之錯誤與缺乏——元朝之歷史地位——重編元史之重要——寫作本文之願望及編例

研究中國歷史者，每以歐洲中古黑暗時代比擬元朝，此不僅爲中國新史學家之一般觀念，即歐西人士，如名史學家桑戴克氏等，亦謂中國文化，自元代以降，即陷入「故步自封」狀態中。

此種觀念之形成，蓋有兩種原因：第一，由於大部份人以爲元代聲教文物之盛，遠遜前朝；第二，由於此一時代留傳之史料甚少，考信無徵。後一原因，自又爲形成前一原因之根本。

吾人試一檢討元代史書，元史在二十四史中最爲潦草，錯誤亦最多，因譯音之歧異，竟有一人列爲兩傳者，其他人名地名先後舛誤，更僕難數，顧亭林氏曾云：

「諸史之中元史最劣，以其旬月而就，故舛謬特多。如列傳八卷速不台，九卷雪不台，一人作兩傳；十八卷完者都，二十卷完者拔都，一人作兩傳；幾不知數馬足，何暇問其驪黃牝牡耶。」元史資料之來源，以元十三朝實錄爲主，據李善長進元史表云：「上自太祖，下迄睿宗，據十三朝實錄之文，成百餘卷相完之史。」其次，即取材於經世大典，明太祖實錄云：「取元經世大典

諸書，以資參考。」而實錄之編纂，實始自世祖至元三年，元史世祖本紀云：「翰林承旨撒里蠻言：國史院纂修太祖實錄，請以畏吾兒字繙譯，俟奏讀然後纂定。」可知元史自世祖以上之史料，均非當時實錄，而爲以後補記，其可靠性自甚微弱。至經世大典，則修於文宗天歷二年，其內容僅載當代上送官府之掌故，遺漏闕失，均未改訂補錄，元文類卷四十經世大典序錄云：「此書悉取諸有司之掌故，而修飾潤色之，通國語於爾雅，去案牘之繁辭，上送者無不備書，遺亡者不敢擅補，」亦可見是亦但爲斷爛朝報已耳；元史根據此兩種材料倉卒編修，加以纂修之時，又非一氣呵成，宜其舛誤百出矣。

趙翼二十二史劄記云：

「今按元史列傳，三十三卷已載元末死事諸臣秦不華余闕等傳矣，乃三十三卷以後，又以開國時耶律楚材，劉秉忠，史天倪，張柔，張宏範等傳編入，幾於前後倒置，蓋三十二卷以前，係初次進呈，三十三卷以後，乃第二次進呈者。」

趙氏之言，僅時序倒置之一端，實則元史列傳之雜亂無章，固尙不止此也。

元史以外尙有魏源之元史新編，柯劭忞之新元史及屠寄之蒙兀兒史記等書，均未足補舊史之闕失。大元通制，乃元代法制之總匯，續弘簡錄僅爲流水帳式之記載，前後不相連屬。元人自著之歷史，有元祕史，但大典本不全，漢譯本多刪節，乃據親征錄譯成者。又有青史、黃史、白史、紅史、灰白史等，皆以書皮之顏色名其書，過去視爲祕笈，既無漢譯，亦少流傳。前北平蒙文書社會翻

印一部份青史，此翻印本刻亦少見。在史料如此缺乏狀況下，國人研究元史，自不得不借助於歐洲大陸諸國及波斯阿刺伯人之著作，如拉施特之蒙古全史，及多桑之蒙古史。洪文卿之元史譯文證補，即據此兩書。但此類著作，有一部份對於元朝懷有種族成見，有一部份存有政治仇恨，如何淘沙揀金，實爲當前研究元史者最繁難之工作。而中國本身元代史書，因譯名信屈贅牙，及朔漠地形之隔膜，治史者每視此一時代與南北朝時代同爲畏途，倘爲完成一部完善之中國通史，對元史做一番披荆斬棘工夫，當決非精力之浪費；況此一時代，決非如一般人所謂之黑暗時代，此一時代，在世界人類文化史上有特殊之貢獻，在中國民族文化史上有劃時代之成就乎？

吾人若以研究世界文化進步史之眼光，評論元代之歷史地位，則此一時代實不愧爲中華民族混和融合之橋梁，中華國族文化之基石，并有啓迪現代世界文明之功能，在此集合各部族之全力，從事於爭取國族生存人類自由之大時代中，又安能長令此一輝煌時代，蒙不自之冤，而不爲之刮垢磨光歟？

故重編元史，實乃史學界亟待墾闢之園地，但亦爲一種繁難艱鉅之工作，而必有賴於羣策羣力。筆者治中國史，曩即擬就每一時代擇一重要人物撰爲評傳，藉以認識其時代精神，旁及於文物制度，積年以還，已編撰名人評傳近十種，而私願其目曰中國通史史料，近以從事邊政，退食自公，卽昕夕以搜集成吉思汗史料爲事，日積月累，所得稍豐，乃復本初衷，爲此一輝煌時代之創始人編寫是書，意蓋出於表彰民族英雄加強國內團結之至誠；倘因此作，得史學名家奮力於完善元史之創

述，使吾人有易讀易解無蔽無障之元史可讀，是固筆者踵企以望之者。

至筆著編寫傳記，夙主求信求達，而尤着重其人日常生活細事之寫述，使讀者知自古偉人，均非天縱之聖，而能共起見賢思齊之心；至其人一言一行，雖不適現時代潮流，亦必縱筆直書，甚盼讀者勿以今人眼光厚責古人也。

是書編次，計分上下兩編，上編列敍成吉思汗生長環境，家族淵源及其一生事業，爲編年式之敍述。并殿以年譜，以醒眉目。下編則就成吉思汗一生功業，加以累計，并分析其原因，作一橫的解剖，使能爲吾人立身治事之資鑑焉。

上編

第一章 十二世紀末年之中亞

十二世紀末年之世界大勢——中亞各部族之地理分佈——遊牧在最礪瘠地區中之蒙古部族

吾人於開始敘述成吉思汗生平以前，爲求明瞭此一世界英雄成功立業之因素，首須認識此一時代之世界大勢，尤須認清孕育生長此一時代巨人之中亞情況。

當十二世紀末年，東亞我國內陸，宋繼五代中興之局，已呈衰敝之勢。內外蒙古及東三省，自石敬瑭割讓與契丹，始終未能收復，此時復爲金遼所據；黃河流域上游，爲夏所據；宋遼金夏，互訐不已，陷入長期混亂狀態中，而西亞則爲分立互訐之回教徒所散佈。突厥色爾柱朝，方與希臘共爭小亞細亞。埃及正在攻取敘利亞，印度亦在劇烈進行宗教戰爭；更西亦無一片乾淨土，東歐俄羅斯境內分藩侯國林立，支離破碎。干戈相尋，西歐則自十字軍之役，既使耶回教徒兩敗俱傷，而東羅馬帝國衰弱以後，尙無強大統一之國家，彼時被圍繞於此大環境中夙稱沃洲及沙漠地帶之中亞細亞，包括滿洲北部蒙古全部及土耳其斯坦等地，亦僅爲遊牧部落所散佈。

此一部份遊牧人民，就其語言分之，可分作突厥部語通古斯部語蒙古部語，據近世語言學家研究，合稱爲阿爾泰系語，其遊牧地區之分佈情形，大概中亞西部乃突厥部人遊牧地區，最東與安嶺

以東松花江發源地則爲通古斯部遊牧之範圍，至在大沙漠以北至中間地帶，幾盡爲蒙古部所散佈。茲就與成吉思汗史料有關之各重要部族，自東至西，依次分述其散佈情形於后：

一、塔塔兒部 塔塔兒部，屬通古斯部，散居於今黑龍江省嫩江流域，世與蒙古部爲仇，其分部有六：

1. 禿禿哈里兀惕 2. 阿勒赤 3. 察罕 4. 忽因 5. 帖利 6. 別兒灰

二、弘吉剌部 塔塔兒部之南方，乃弘吉剌部。地居今呼倫淖爾附近，其種屬有謂爲突厥，但就其遊牧地區證之，似應爲蒙古部，（實則蒙古與突厥同源容後詳論）成吉思汗之元配夫人，卽此部之女，與蒙古世爲甥舅，其別部有四：

1. 亦乞剌思 2. 幹勒忽訥兀 3. 哈刺訥 4. 弘吉里兀

三、札剌亦兒部 由塔塔兒部逕西越過成吉思汗所自出之蒙古部，卽札剌亦兒部，地居今外蒙古恰克圖以北，威丁姆河流域，拉施特未將此部列入蒙古部族，格魯賽疑此部爲居於蒙古諸部落中而與蒙古人同化之突厥部落，其別部有十：

1. 察惕 2. 塔克刺溫 3. 晃哈撒溫 4. 忽木撒刺 5. 兀牙 6. 比勒哈散 7. 忽吉兒 8. 禿朗乞 9. 不里 10. 申忽

四、克烈部 札剌亦兒部之南面卽克烈部，地居今外蒙古土謝圖汗全盟地區，彼時此一部族勢力最大，與成吉思汗之關係亦最深，有謂克烈乃康里音轉，斷爲突厥族，其分部有五：

1. 董合亦 2. 赤兒乞兒 3. 撒乞阿 4. 禿馬亦 8. 額里訶
五、汪古部 克烈部更南乃汪古部，地在今歸綏縣北，此部歸順金國，負有看守長城之使命，蒙古語長城爲汪古，故稱之爲汪古部。

六、蔑兒乞部 札剌亦兒部之西，乃蔑兒乞部，地濱今貝加爾湖東岸，其人屬突厥種，信奉景教，分部有四：

1. 兀洼思 2. 朮丹 3. 禿答黑隣 4. 只渴

七、札答刺部 蔑兒乞部之南，幹兒汗河及薛靈哥河兩流域之中，爲札答刺部，此部據元史新編稱爲黑蒙古人，屬尼倫部，其首領卽札木合，最初曾糾合蒙古部族擊敗成吉思汗，終被汗俘。此人可謂爲成吉思汗生命史中最險惡之礁石。

八、泰赤烏部 自蔑兒乞溯貝加爾湖西南行，卽爲泰赤烏，史家亦謂此部爲黑蒙古人，乃蒙古之尼倫部，成吉思汗幼時，曾爲此部所困。

九、幹亦剌部 與蔑兒乞部隔貝加爾湖相望者爲幹亦剌部，此部卽明代所稱之瓦剌，地居今西伯利亞南境，爲純粹之蒙古部人。

十、乃蠻 自幹亦剌溯貝加爾湖而西之狹長地區，爲乃蠻部游牧地帶，地居今科布多，屬突厥部，其部長亦難察可罕生二子，長爲太陽罕，次爲不亦魯黑罕，兄弟不和，分土而治。

十一、畏吾兒 乃蠻之西南，卽突厥之畏吾兒部，唐太宗時爲外藩，唐設官於各部以治之，其

長世襲，授以高級軍職。其勢頗盛，幾統治蒙古全境，十一世紀末，爲西遼所屈服，踣處於哈密，蒲類，別失八里，吐魯番，哈喇沙爾，庫車等地，部長號亦都護，其民多土著，有文字，對蒙古人文化上之影響頗大。

十二、吉利吉思 卽唐時之黠戛乞斯，據今額爾齊斯河流域，其游牧地區最廣。

十三、失必兒 在吉利吉思之正北，據今鄂畢河流域，此部或係鮮卑之異譯。

十四、西遼 西遼又稱黑契丹，乃耶律大石於一一三〇年所建立。初，金征遼，大石奔西域，自立爲帝；東西土耳其斯坦，奉之爲古兒罕，建都於八刺沙衮，其直接統治地爲伊犁河與塔里木河流域諸城。此外屬國東有畏吾兒，哈喇魯，西有撒馬耳干與花刺子模，統治中亞直至十二世紀末，及花刺子模撒馬爾干叛離，始漸削弱，後爲乃蠻所篡奪。

十五、花刺子模 屬突厥部，信奉回教，其部東北至錫爾河，東南至印度河，北至鹹海裏海，西北至阿特耳佩占，西鄰報達，奄有波斯，昭武九姓吐火魯高地，國勢最盛。

十二世紀末年中亞各部分佈情形，約如上述，而蒙古部族則散布於塔塔兒，弘吉剌與札剌亦兒，克烈諸部之中間，卽不兒罕山右麓，爲崑崙河與幹難河所圍繞，是地遍佈岩石，上長青苔，山隙間生樹木，山頂終年積雪，山谷土壤，多爲沙質，沿河則全爲草地或生長松樺之森林，常有北極光、風暴地震之侵擾，氣候嚴寒，自然環境之惡劣，乃一最不適於人類生存地區，而成吉思汗卽生息於此種艱苦惡劣環境之中。

第二章 成吉思汗之世系

舊史著錄之世系——蒙古起源考——孛端察兒以前之世系——成吉思汗世系表

成吉思汗之世系，元史僅追溯至其十三世祖，按元史太祖本紀云：

「其十世祖勃端察兒，母曰阿倫果幹托木默爾根。（筆者按應爲十三世祖，說見後）生二子，長曰布岡哈塔吉，次曰博克多薩勒濟固，既而夫亡，阿倫果幹寡居，夜寢帳中，夢白光自天窗中入，化爲金色神人，來趨臥榻，阿倫果幹驚覺，遂有娠，產一子，卽勃端察爾也。……勃端察爾歿，子巴噶哩台哈必齊嗣，生子曰瑪哈多丹，瑪哈多丹之妻曰摩納倫，生七子而寡，遭雅賈爾難，六子皆死，唯一長孫海都尙幼，乳母匿諸積木中得免，……海都稍長，諸民共立爲君，以兵攻雅賈爾，臣屬之，形勢浸大，列營帳於巴喇噶罕河上，跨河爲梁，以便往來，由是四傍部族歸之者漸衆。海都沒，子拜星呼爾嗣，拜星呼爾歿，子敦巴該嗣，敦巴該歿，子噶布勒罕嗣，噶布勒罕歿，子巴爾達木嗣，巴爾達木歿，子伊蘇克依（原作也速該）嗣，國勢愈盛大」。

元史新編及新元史太祖本紀所記，大致相同，惟譯名互有歧異，而元史新編開端尙有一段關於蒙古部人起源之記載，其原文略云：

「……蒙古部人，金世所謂韃靼國也，有白韃黑韃二部，皆在漠北，白韃部顏色稍皙，在臨漠陰山之北，盧胸河之東，亦有生熟二種，近漠地者爲熟韃靼，金史謂之弘族，能種秫炊食，

介番漢之間，其遠者曰生韃靼，游牧爲生，異於契丹之射獵，金史謂之沙陀亦謂之阻驍，……元太祖則黑韃部，在盧朐河之西……太祖初起，慕蒙古爲北方雄國，故亦稱大蒙古云……太祖先世居漢北幹難河之不爾罕山下，其十世祖曰勃端察爾者（以下約同元史略）。」

元史新編著者魏源，於勃端察爾以前之世系，雖未能考述其主名，但提供成吉思汗之先世，爲黑韃之苗裔，亦頗富研究之價值，至韃靼之情形又何如，拉施特在其所著蒙古全史中曾云：

「韃靼之稱，早已著名於古代，韃靼民族分支甚衆，其在成吉思汗之時，約有十萬戶，居地在中國邊境及捕魚兒湖附近，古時其勢強而可畏，至使其地突厥民族，亦自稱曰韃靼，而以自豪。猶之札剌兒，塔塔兒，幹亦刺，汪古，克烈，乃蠻，唐兀及其他諸部之自稱爲蒙古人而自豪者也。蒙古之稱，至成吉思汗及其諸繼承人時代始有名，蓋蒙古昔爲諸突厥民族中之一民族。」

更攷我國史書，關於韃靼之記載，五代史云：「韃靼，靺鞨之遺種，本在奚契丹之東北，後爲契丹所攻，而部族分散，或屬契丹，或屬渤海，別部散居陰山者自號韃靼，後從克用入關，破黃巢，由是居雲代之間。」黑韃事略云：「黑韃之國，號大蒙古，沙漠之地曰蒙古山，韃語謂銀曰蒙古，女真名其國曰金，故韃名其國曰銀。」古今紀要云：「韃靼與女真同種，皆靺鞨之後，其居混同江者曰女真，居陰山北者曰韃靼。」由此可見蒙古一名起源蓋甚晚，其與韃靼關係蓋甚密。拉施特述蒙古之源起，又曰：

相傳古時蒙古與他族戰，全軍覆沒，僅遺男女各二人，遁入一山，陡絕險巖，惟一徑通出入